

餘編

圖經掌錄譜傳志畧具矣而復贅是餘編何也曰不得已也其不得已奈何曰舊志囿于習俗其首圖攷列星野第一八景第六而象緯次之所列躔次分野宿攷卽星野之說也繼以祥異賊祲談軼聞者資焉職方沿革疆域形勝固地志所當然下分山巖泉池十七類則類書矣終以古蹟近似數典勿忘而去險要利害之意甚遠于職方何有哉藝文之末埒以襍錄殆是不得其類而總歸之者以流略之眼觀之固亦叢談類耳今志取材經史自爲類例上陳諸項法在應刪而嗜瓌愛奇者流繙閱新編竟不見此意或不嫌將遂執簡以爭亦戾俗之過已薈錄于此蓋過而存之之意乎清章學誠以近人修志識力不能裁斷而又不忍割愛則于卷末編爲襍志或曰餘編蓋緣全志分門如布算子無復別識心裁因于事類有難埒者輒爲此卷

合川縣志卷六十四 序

一

以作蛇龍之菹甚爲無謂今之餘編得無蹈諸不知經有別解史有埒錄子有外篇集有賸藁古今箸錄固未嘗一概屏之卽學誠獨斷別裁高自標置其所作修志十議亦立外編一門凡以十口所傳舊聞軼事以及瓌屑複雜可喜可愕而不可遺忘之說雖非史體所重亦難盡從刊落當于正傳之外用襍箸體零星紀錄另成一種使纖夥鉅釘皆有門類可歸正以釐清正載之體裁也故其所撰常德荊州府志皆有叢譚大名石首縣志皆有雜記猶比物此志焉其書吳郡志後云云固以所爲雜志析例不精致成蕪葳因以致諷所謂言各有當夫豈一端而已正未可執其片言遂并志外所餘同類而共譏之也特必分別部居有條不紊庶幾物相雜謂之文不大遠于有餘不敢盡之意乎作餘編

星野一

觜觿參主益州

史記天官書

巴蜀分井鬼參

漢書天文志

軫爲秦蜀後漢書天文志

益州分參隋書天文志

益梓夔利四路分井舊志引宋史天文志

益州仰稟參伐參伐蜀分也華陽國志巴志

岷山之精上爲井絡帝以會昌神以建福河圖括地象

參伐流爲益州春秋元命包

天帝西垣第四星曰巴第五曰蜀丹元子步天歌

五車卿星弧矢星俱主益州天文占儀

右分野

自井十度至柳三度謂之鶉首之次秦之分也巴蜀廣漢犍爲益州屬之前漢書地理志

自畢十二度至井十五度屬益州皆張參井一云自東井十六度至柳八度爲鶉首鶉首秦分也晉書天文志

蜀郡入參一度巴郡入參八度晉太史令陳卓說
鶉首之次初井十二度中井二十七度終柳六度唐僧一行大衍歷

合川縣志卷六十四 星野 一

二

井十度至鬼柳爲鶉首于辰在未天文次舍
重慶府屬井鬼之分入參三度黃廷桂四川通志

右躔次

舊志引廣雅云元作博雅今據博雅爲隨人辟在天一度統地二千九百三十二里合州古巴郡地去成都不及千里當同在二度以內而陳卓謂蜀入參一度巴郡入參八度相距過遠恐不可信通志謂入參三度全蜀總志謂入參一度較爲得之漢晉志俱云在井柳天文次舍同宋史謂在井鬼非